

# ТЕК ИСА МЕСИХ КЪУРТАРА

О, Огълан бала догъаджакъ, ве сен Онынъ Адыны Иса къоярсынъ, чюнки О, Озь халкъыны гуналарындан къуртараджакъ. Матта 1:21


Алла дюньяны ойле севди ки, Озюнинъ бирден-бир Огълуны багъышлады, Онъа иман эткен эр кес гъайып олмасын, лякин эбедий аяткъа саип олсун. Юхан 3:16

– Мен ёл, акъыкъат ве аят олам, – деди Иса. Менден олмаса, кимсе бабасына кельмез. Юхан 14:6

Кок тюбюнде инсанларгъа берильген башкъа бир ад ёкъ, онынъ ярдымынен бизни къуртармакъ керекмиз. Элчилернинъ Ишлери 4:12

Мен сизге энъ эвеля: Языда язылгъаны киби, Месих гуналарымыз ичюн ольгенини бильдирдим. Оны дефн эттилер ве Мукъаддес Языларгъа коре, учюнджи куню тирильгенини: 1 Коринтлилерге 15:3-4

Месихнинъ къанынен биз къуртулдукъ, Онынъ буюк эйилигине коре гуналарымыз багъышланды. Эфеслилерге 1:7



And the gospel must first be published  
among all nations. MARK 13:10

Биз дёрт акъикъатны толусынен анъламакъ керекмиз:

1. Алла сени пек севе.

О, сенинъ Онен берабер кокте эбедий аяткъа саип олманъны истей.

Алла дюньяны ойле севди ки, Озюнинъ бирден-бир Огълуны багъышлады, Онъа иман эткен эр кес гъайып олмасын, лякин эбедий аяткъа саип олсун. Юхан 3:16

О, сизнинъ Онынъ янында бол ве маналы омюр кечирмеге истей.

Хырсыз тек хырсызламакъ, ольдюрмек ве ёкъ этмек ичюн келе. Мен олар аяткъа бол олсунлар деп кельдим.

Юхан 10:10

Бунъа бакъмадан, чокъ адамлар маналы омюр кечирмейлер ве эбедий омюрге саип олгъанларына эмин дегильлер, чюнки...

2. Инсан табиятынен гунакярдыр. Шунунъ ичюн Алладан айырылгъан.

Эписи гуна къазандылар.

Эписи гуна яптылар ве Алланынъ шуретинден узакълаштылар. Римлилерге 3:23

Чюнки пара севгиси эр бир яманлыкънынъ тамырыдыр...

1 Тимофейге 6:10

Гунанынъ мукафаты – олюмдир.

Чюнки гунанынъ мукафаты олюмдир... Римлилерге 6:23

Мукъаддес Китапта олюмнинъ эки чешити къайд этиле:

- Джисманий олюм

Инсанларгъа бир кере олюм, ондан сонъ исе суд этиледжек: Ибранилерге 9:27

- Рухий олюм я да джеэннемде Алладан эбедий айырылув

Къоркъунчлы, имансыз, джиренч, къатиль, ороспу, тылсымджы, путперест ве бутюн яланджыларнынъ пайы атеш ве кукюрт янгъан гольде оладжакъ. Вахий 21:8



Эгер инсан озь гунасы себебинден Алладан айырылса, бу меселенинь чезилуви недир? Биз чокъ вакъыт бойле тюшюнемиз ки, чезимлер: дин, яхшы ишлер, яхшы ахлякъ. Амма Алладан тек бир чезим бар.

3. Иса Месих – кокке алып баргъан екаяне ёл.

Бу – Алланынь беянатыдыр.

– Мен ёл, акъикъат ве аят олам, – деди Иса. Менден олмаса, кимсе бабасына кельмез. Юхан 14:6

О, гуналарымыз ичюн джезаны толусынен берди. Месих де, бизни Аллагъа кетирмек ичюн, инсафлы инсафсызлар ичюн бир кере гуналар ичюн азап чекти. Месихнинъ къанынен биз къуртулдықъ, Онынъ буюк эйилигине коре гуналарымыз багъышланды.

Эфеслилерге 1:7

Онъа эбедий омюр вадеси бар.

Огъулгъа иман эткен адам эбедий аяткъа саиптир, амма Огълуна инанмагъан адам аятны корьмейджек. Амма Алланынь гъазабы онынъ устюнде къалмакъта.

Юхан 3:36

Гунанынь мукафаты – олюмдир. Амма Алланынь бахшышы – Раббимиз Иса Месихнен эбедий омюрдир. Римлилерге 6:23

4. Къуртулыш ичюн Иса Месихке инанмакъ керекмиз.

Иса Месихке иманымыз ярдымынен Алланынь эйилигинен къуртулышымыз бар.

Сиз Алланынь эйилигинен иманынъызнен къуртулдынъыз. Бу сизинъ ишлеринъизден дегиль, кимсе макътанмасын деп, Алланынь бахшышыдыр.

Эфеслилерге 2:8-9

Ким Раббининъ Адыны чагъырса, къуртуладжакъ.

Римлилерге 10:13



Гунакярнынъ дувасы

Шуны иманнен дува окъунъыз.

Рабби Иса, мени севгенинъ ичюн чокъ сагъ ол. Мен гуняхкяр олгъанымны итираф этем ве сизден афу сорайым. Хачта олюминъ, дефн этильгенинъ ве бутюн гуналарымны өдемек ичюн тирильгенинъ ичюн санъа шукюрлер олсун. Мен санъа Раббим ве Къуртарыджым оларакъ ишанам. Мен Сенинъ эбедий омюр бахшышынынъ къабул этем ве омюримни Санъа теслим этем. Бутюн эмирлеринъни беджермеге ве Сенинъ огюнъде разы олмагъа манъа ярдым эт. Амин.

Эгер сиз Иса Месихке ишангъан олсанъыз, сизнен бойле шейлер олды:

- Энди, сен Алланен эбедий омюрге саипсинъ.

Мени Ёллагъаннынъ истеги шудыр: Огълуну корип, Онъа иман эткен эр бир адам эбедий аяткъа саип олсун. Юхан 6:40

- Бутюн гунахларынъ тёленди ве багъышланды.

(кечмиш, шимдики, келеджек)

Иса исе гуналар ичюн бир къурбан чалгъан сонъ, Алланынъ онъ тарафына отурды. Ибранилерге 10:12

- Сен Алланынъ огюнде янъы яратылышсынъ. Янъы омюринънинъ башлангъычыдыр.

Демек, ким Месихте олса, о янъы яратылгъан адамдыр.

Мына, эр шей янъы олды. 2 Коринтлилерге 5:17

- Сен Алланынъ баласы олдынъ.

Амма Оны къабул эткенлернинъ эписине, Онынъ Адына иман эткенлерге, Алланынъ огъуллари олмакъ акъкъыны берди: Юхан 1:12

Яхшы ишлер бизим къуртулышымызнынъ ёлу дегиль, къуртулышымызнынъ исбаты я да мейвасыдыр.

Биз Онынъ яраткъан ишлеримиз ве яхшы ишлер япмакъ ичюн, Иса Месихте яратылдыкъ. Эфеслилерге 2:10

Аллах сени къорчаласын!